

洪憲元年二月十七日星期四第四十二號

政事堂印鑄局發行

北京東長安牌樓王府井大街
電話東局二百零一號

政事公報

本報價目

- 一本報按照陽曆每日出報一號
 - 一定購三月者收回大洋二元三角
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者均
- 如送報夫役私自加價請告知本局以便查究是為至要

目錄

命令

國務卿奏據銓叙局詳稱兼任安東交涉員方

大英等擬請免親摺

外交部奏請將本部續行薦委各職及辦事員

學習員等分別叙官摺

外交部奏本部附屬機關人員勞績卓著請分

別叙官摺

財政部奏前任左右翼稅務監督徵收驗契費

及菸酒牌照稅兩項異常出力擬請照例給

獎恭摺祈鑒摺

陸軍部奏核明守護大臣咨擬以戶豐等補防

禦等缺請照准摺(附單)

陸軍部奏請以常有神護軍校員缺摺

陸軍部奏軍官邱開浩等積勞病故擬請照章

給卹摺

陸軍部奏核覆前漢口兵站總監杜錫鈞咨報

所屬載運局支用各款擬請准予支銷並補

發不敷款項摺

司法部奏擬增訂易答條例第四條請訓示摺

(附條文)

農商部奏遵核山西巡按使奏請援案設立鑛

務總局擬由本部派委譚啟瑞充任總辦以

專責成摺

福建巡按使許世英奏保瓊勝警務處處長人

員擬請准予存記摺

福建巡按使許世英奏請將公署薦委任待遇

各職員程家穎等分別叙官摺

福建巡按使許世英奏請將存記道尹段母息

分發福建任用摺

福建巡按使許世英奏閩省現充要職具有簡

任資格人員許兆柱等擬請特予叙官摺

署四川巡按使陳宦奏懇將核准免試知事李

仲通等送考詢并予分發摺

駐美利堅合眾國兼駐古巴國特命全權公使

顧維鈞奏接任日期並敬陳謝悃摺

梅光羲等就職日期摺

廣東巡按使張鳴岐奏報調署高雷道道尹楊

晉任事日期摺

廣東巡按使張鳴岐奏報發交任用人員朱綸

業經到省摺

節

外交部節

交通部節四則

判詞

文官高等懲戒委員會議決書(四年第一百

七十一號至一百七十三號)

廣告

諭命令

政事堂奉

策令比國外交次長男爵方德勒斯特政務局局長男爵格斐埃德斯脫通商局局長男爵嘉伯樂交際局局長伯爵方德斯塔登旁突石均給予二等大綬嘉禾章總務廳總辦柯斯德爾孟給予三等嘉禾章此令

政事堂印

洪憲元年二月十六日

國務卿陸徵祥

政事堂奉

策令陸承武給予四等文虎章孫振海給予五等文虎章此令

政事堂印

洪憲元年二月十六日

國務卿陸徵祥

政事堂奉

策令托布敦旺沁蘇倫均晉封為頭等台吉達木金晉封為三等台吉此令

政事堂印

洪憲元年二月十六日

國務卿陸徵祥

政事堂奉

策令任命徐登朝署陸軍第十二師步兵第二十四旅第四十八團團長此令

政事堂印

洪憲元年二月十六日

國務卿陸徵祥

政事堂奉

策令財政總長兼鹽務署督辦周學熙奏據兩浙鹽運使胡思義詳請任命徐兆熊試署東江場知事應照准此令

政事堂印

洪憲元年二月十六日

國務卿陸徵祥

政事堂奉

策令財政總長兼鹽務署督辦周學熙奏據兩廣鹽運使姚煜詳請任命周大鈞試署博茂場知事應照准此令

政事堂印

洪憲元年二月十六日

國務卿陸徵祥

政事堂奉

申令據湖北巡按使段書雲奏查勘民國四年湖北漢川等十九縣災歉分數懇請分別蠲緩銀米細數繕單祈鑒等語上年湖北漢川等縣始受夏旱繼被秋霖山洪陡發兼遭蟲害以致秋禾被災收成歉薄若將各項銀米同時並徵民力實有未逮著將被災歉收之漢川等縣各垵集區應徵四年分丁漕屯餉米租等項分別蠲緩以紓民力該巡按使即按照單開詳細數目刊刻布告徧行曉諭務使實惠均沾用副國家軫念民艱至意餘均如所擬辦理交內務財政兩部查照此令

政事堂印

洪憲元年二月十六日

國務卿陸徵祥

國務卿奏據銓叙局詳核交通部學習期滿各員叙官由

政事堂奉

批令准如所擬分別授官單存此令

政事堂印

洪憲元年二月十六日

國務卿陸徵祥

國務卿奏據銓叙局詳稱兼署海軍部軍務司司長劉傳綬等擬請免覲由政事堂奉

批令劉傳綬等均准免觀此令

政事堂印

洪憲元年二月十六日

國務卿陸徵祥

政事堂奉

批令方德勒斯特等已另有令明發餘准如擬給獎交政事堂飭銓叙局查照單並發此令

政事堂印

洪憲元年二月十六日

國務卿陸徵祥

陸軍部奏遵核湖北省辦理清鄉兩次報銷擬請悉予照准恭摺祈鑒由

政事堂奉

批令准予支銷即由各該部行知遵照此令

政事堂印

洪憲元年二月十六日

國務卿陸徵祥

陸軍部片奏為湖北清匪司令部經費擬請照數准銷請訓示由

政事堂奉

批令准予支銷即由各該部行知遵照此令

政事堂印

洪憲元年二月十六日

國務卿陸徵祥

司法部奏遵令整理獄政陳報各省籌辦新舊監獄情形由

政事堂奉

批令悉應由該部督飭妥速籌辦務期循序程功悉臻完善其未經詳報各省並著分行督催毋任延宕此令

政事堂印

洪憲元年二月十六日

國務卿陸徵祥

司法部奏彙報京師各監獄籌辦改進情形由

政事堂奉

批令悉京師首善改進宜先仍由該部隨時督飭認真辦理務求完備以資模範此令

政事堂印

洪憲元年二月十六日

國務卿陸徵祥

司法部奏彙報湖北湖南兩省死刑案件由

政事堂奉

批令准如所擬執行即由該部轉行遵照單存此令

政事堂印

洪憲元年二月十六日

國務卿陸徵祥

財政總長兼鹽務署督辦周學熙奏遴員試署廣東博茂場知事員缺并懇准予免覲由
政事堂奉

批令周大鈞已另有令任命並准免覲交政事堂飭銓叙局查照此令

政事堂印

洪憲元年二月十六日

國務卿陸徵祥

財政總長兼鹽務署督辦周學熙奏遴員徐兆熊試署兩浙東江場知事員缺並懇准予
免覲由

政事堂奉

批令徐兆熊已有令任命並准免覲交政事堂飭銓叙局查照此令

政事堂印

洪憲元年二月十六日

國務卿陸徵祥

蒙藏院奏錫盟盟長及烏珠穆沁旗郡王等各請獎剿匪出力人員據情核議恭摺祈鑒

由
政事堂奉

批令托布敦等已有明令晉封矣餘如所請給獎即由該院轉行遵照此令

政事堂印

洪憲元年二月十六日

國務卿陸徵祥

高等軍事裁判處處長傅良佐 副長周肇祥奏書記官羅天澤等授官據情轉陳謝悃由

政事堂奉

批令悉此令

政事堂印

洪憲元年二月十六日

國務卿陸徵祥

直隸巡按使朱家寶奏調任陝西榆林道尹何炳庠現丁父憂籲懇准予開缺由

政事堂奉

批令何炳庠著給假百日治喪毋庸開缺此令

政事堂印

洪憲元年二月十六日

國務卿陸徵祥

直隸巡按使朱家寶片奏代陳口北道尹陳玉麟奉到叙官證書日期並陳謝悃由

政事堂奉

批令悉此令

政事堂印

洪憲元年二月十六日

國務卿陸徵祥

安徽巡按使李兆珍奏簡任職人員鄭孝樞等請予分別叙官由

政事堂奉

批令交政事堂飭銓叙局核叙摺並發此令

政事堂印

洪憲元年二月十六日

國務卿陸徵祥

江西巡按使戚揚奏分發縣知事段錫三等到省一年期滿照章甄別繕單請示由

政事堂奉

批令悉交內務部查照並由政事堂飭銓叙局查照單並發此令

政事堂印

洪憲元年二月十六日

國務卿陸徵祥

江西巡按使戚揚奏現署縣缺知事阮斌士等到省一年期滿照章甄別繕單請鑒由
政事堂奉

批令悉交內務部查照并由政事堂飭銓叙局查照單并發此令

政事堂印

洪憲元年二月十六日

國務卿陸徵祥

署四川巡按使陳宦奏報四年十二月分委署各縣知事繕單請鑒由
政事堂奉

批令悉交內務部查照并由政事堂飭銓叙局查照單并發此令

政事堂印

洪憲元年二月十六日

國務卿陸徵祥

察哈爾都統張懷芝奏揀員王丙彝代理涼城縣知事員缺由
政事堂奉

批令悉交內務部查照并由政事堂銜銓叙局查照此令

政事堂印

洪憲元年二月十六日

國務卿陸徵祥

察哈爾都統張懷芝奏總管卓特巴扎普因公赴京籲懇覲見據情代奏由
政事堂奉

批令准其覲見交蒙藏院查照此令

政事堂印

洪憲元年二月十六日

國務卿陸徵祥

察哈爾都統張懷芝奏察屬各軍事機關遵照懲治盜匪法詳經核准槍斃盜犯列表彙
報由

政事堂奉

批令悉交內務陸軍司法三部查照表并發此令

政事堂印

洪憲元年二月十六日

國務卿陸徵祥

奏摺

國務卿奏據鈔叙局詳稱兼任安東交涉員方大英等擬請免觀摺

奏為兼任安東交涉員方大英等擬請免觀恭摺仰祈 聖鑒事據鈔叙局詳稱准外交部咨開去年十二

月二十九日政事堂奉 策令外交部奏請任命奉天東邊道道尹方大英兼任安東交涉員應照准此令

本年一月三十一日政事堂奉 策令任命趙晉蕃兼任外交部特派廣西交涉員此令同日政事堂奉

策令外交部奏請任命王懋兼任瓊州暨北海交涉員應照准此令各等因奉此查該員等或以關監督或

以道尹兼任交涉員應否由部飭令來京覲見抑或免覲之處咨請查照奏明辦理等因到局查覲見條例內

載簡任各職因必要情形得呈請免覲又因職務重要得先行就職各等語此次奉天東邊道道尹方大英兼

任安東交涉員調任梧州關監督趙晉蕃兼任外交部特派廣西交涉員調任瓊海關監督王懋兼任瓊州暨

北海交涉員均屬職務重要且係調任兼任人員擬請均准予免覲是否有當謹詳請轉奏等情理合恭摺具

奏伏乞 皇帝陛下聖鑒訓示遵行謹 奏

政事堂奉

批令方大英等均准免觀此令

政事堂印

洪憲元年二月十二日

國務卿陸徵祥

外交部奏請將本部續行薦委各職及辦事員學習員等分別叙官摺

奏為巨部續行薦委各職及辦事員學習員等擬請分別叙官恭摺仰祈 聖鑒事竊巨部薦委各職前經

先後呈奉 策令分別授官在案茲查有續行薦委之僉事祝惺元主事趙啟華朱鶴翔襄辦部務顏資得

力自應照章分別叙官以資策勵又交部任用人員李鍾蔚辦事員董振麟王懷份陳襄廷雷澤揚陶聯善周
愷劉家愉保君暉周丙忻錢廣禧吳斯美龔渭琳王銘學習員林炳珠秦璧張啟及巨部所屬之編譯處編撰
員張祥麟譯員章守默吳兆桓張楷任起莘沈迪家兼辦彙習事宜事務員方萬笏均與委任職相當辦理
一切事宜極為出力現在農商部交通等部所有辦事學習人員業經擬請叙官均奉 批令交局核叙
該員等事同一律擬請核案辦理以昭激勸除將各該員詳細履歷咨呈政事堂交由銓叙局核辦外所有巨
部續行薦委各職及辦事員學習員等擬請叙官緣由理合恭摺具陳伏乞 聖鑒訓示施行謹 奏

政事堂奉

批令交政事堂飭銓叙局核叙此令

政事堂印

洪憲元年二月十一日

國務卿陸徵祥

外交部奏本部附屬機關人員勞績卓著請分別叙官摺

奏為巨部附屬機關人員勞績卓著擬請分別叙官恭摺仰祈 聖鑒事竊准政事堂銓叙局通行勞績保
案獎叙實官辦法一案內開現充差務未經叙官人員如有異常勞績均准保請叙官等語茲查巨部所屬之
清華學校為游美學生之預備該校學課規制向稱美善近來極力研求日有進益該校校長周詒春副校長
趙國材辦理學務歷有年所心精力果鉅細兼綜造就宏多規畫遠大又巨部所屬之俄文專修館係就舊日
之東省鐵路俄文學堂擴充改組注重外務培植邊才關係至為重要該館校長邵恆濬殫精鑒畫以刻苦砥
勵訓迪諸生成效昭彰學風尤善又哈爾濱地方向設有防疫機關內設醫官所以保衛主權預防疫癘維持
南政具有苦心現充防疫總辦兼總醫官伍連德正醫官陳永漢副醫官陸存道鄧松年林家瑞林廷藩

書黃厚寬歷年辦理防疫事宜培屬異常出力聲譽甚美中外交稱各該員等或勦擊疫或預防疫培與交涉要政相關實屬勞動卓著與勞績保獎之例相符擬請准予分別叙官以昭激勸除將各該員詳細履歷咨呈政事堂交由銓叙局核辦外所有巨部附屬機關人員勞績卓著擬請分別叙官緣由理合恭摺具陳伏乞聖鑒訓示施行謹 奏

政事堂奉

批令交政事堂飭銓叙局核議具復此令

政事堂印

洪憲元年二月十一日

國務卿陸徵祥

財政部奏前任左右翼稅務監督徵收驗契費及菸酒牌照稅兩項異常出力擬請照例給獎恭摺祈鑒

摺

奏為前任左右翼稅務監督徵收驗契費及菸酒牌照稅兩項異常出力擬請照例給獎恭摺具陳仰祈聖鑒事竊據前任左右翼稅務監督吳烈詳稱監督自民國三年二月到任之日起至四年十二月交卸之日止除本關原徵稅契稅另定比較考成詳報不計外計收驗契費三萬一千餘元菸酒牌照稅八萬九千餘元兩共十二萬餘元按照額外增加獎勵條例是徵收已在十萬元以上理合請頒獎章并領勞績金第念時局艱難財政支絀斷不敢以應盡之職務妄求挹注之金錢然國家獎勵專例原欲優加榮典驅策羣力又何敢以懋賞之功因一己之私而廢茲擬敬辭勞績金不敢稍存希冀所有金質單鶴章可否由部奏請賞給等情到部伏查前左右翼稅務監督吳烈辦理驗契及菸酒牌照稅收數達十二萬餘元巨部覆核無異謹按制定督徵分徵官額外增加獎勵條例第二條內載十萬元以上給五等金質單鶴章支勞績金一千元等語該

前監督兩項增收報解之款核與前項條例相符擬請 賞給五等金質軍鶴章以資獎勵而昭激勸至應支之勞績金既經該前監督聲明辭不敢領廉讓可風殊堪嘉尚似應准如所請以樹風聲所有前任左右翼稅務監督徵收驗契費及菸酒牌照稅出力擬請照例給獎緣由理合恭摺具陳伏乞 皇帝陛下聖鑒訓示謹 奏

洪憲元年二月十二日

陸軍部奏核明守護大臣咨擬以戶豐等補防禦等缺請照准摺(附單)

奏為請補防禦等缺繕單恭摺仰祈 聖鑒事竊准西陵守護大臣溥靈咨稱嘉陵出有防禦等缺將揀定各缺人員銜名開單咨部查核具奏等因到部茲經核明與歷案陞階均屬相符似應准予升補理合繕具清單恭摺具陳伏乞 皇帝陛下聖鑒訓示謹 奏

政事堂奉

批令准其補授單存此令

政事堂印

洪憲元年二月十一日

國務卿陸徵祥

謹將西陵守護大臣溥靈請補防禦等缺人員銜名繕單恭呈

御覽

計開

慕陵鑲黃旗防禦榮順病故遺缺揀以該旗驍騎校戶豐堪以請補

慕陵鑲白旗防禦德懋所遺驍騎校員缺揀以正黃旗領催惠勳堪以請補

慕陵正黃旗防禦崇西所遺驍騎校員缺揀以鑲藍旗領催伊拉通阿堪以請補

陸軍部奏請以常有補護軍校員缺摺

奏爲請補護軍校員缺恭摺仰祈 聖鑒事竊准都護使紹英咨稱本處所屬正藍旗護軍校恆志因病出缺揀選得護軍常有堪以陞補造冊咨部核定轉奏等因到部茲經核明與歷案陞階相符似應准予陞補理合恭摺具陳伏乞 皇帝陛下聖鑒訓示謹 奏

政事堂奉

批令准其補授此令

政事
堂印

洪憲元年二月十一日

國務卿陸徵祥

陸軍部奏軍官邱開浩等積勞病故擬請照章給卹摺

奏爲軍官軍屬積勞病故擬請照章給卹恭摺仰祈 聖鑒事准將軍銜督理直隸軍務巡按使朱家寶咨陳直隸巡防第七路統領陸軍少將銜邱開浩潔己奉公見義勇爲從事軍界三十餘年民國二年戡定寧亂該員卓著勳績因積勞成疾於四年十月在差身故參謀本部咨開本部製圖局班長陸軍三等測量正銜一等測量長劉煥然自前清宣統三年即充製圖局科員本部成立後派充編纂經理遞升班長數年以來克勤厥職趕辦緊要地圖向無遺誤去歲冬間因公積勞致疾於十二月在職身故將軍銜督理新疆軍務巡按使楊增新咨陳新疆陸軍步兵第六十九團副軍需官陸軍三等軍需正銜一等軍需江培德前充第一營軍需長民國元年升充軍需官嗣後援科該員隨軍辦理前敵馬步全軍糧餉勤慎耐勞均無遺誤比因軍務殷繁以致積成癆症於四年十一月在職身故又咨陳伊犁陸軍步兵營排長陸軍步兵中尉龔占先前由鄂奉調出關在營數載服務勤慎因操勞過度染患吐血之症醫藥罔效於民國四年十月在營身故安武將軍督理

安徽軍務倪嗣冲咨陳安武軍第二路三等醫官要星海於民國二年投効本軍醫院供差厥後隨隊雨下風
壽各役兵士受傷夥多幫同療治頗稱得力上年復派隨第二路駐防皖北又值剿辦土匪日夜勤勞以致積
勞染病於四年十一月在防身故陸軍第四師師長楊善德詳稱步十五團第三營排長陸軍步兵中尉梁壽
衡前於南京戰役後隨隊駐防潞滬夙夜從公勤勞卓著因積勞染患濕滯於民國四年十一月在防身故定
武上將軍長江巡閱使張勳咨稱定武軍第七路第四十營哨長孫憲雲歷在壽州等處堵截白狼後又調赴
海州剿辦土匪分駐沐陽高溝辦理防務尤屬不辭勞苦以致感受濕寒醫藥罔效於民國四年十二月在防
身故總司令部衛隊管帶曹樹桐詳稱衛隊軍醫生景殿元在營服務深資得力因染患癆症於本年一月在
營身故先後造送表結證書請予照章給卹各等因前來臣部詳加覆核與陸軍平時卹賞暫行簡章第四條
積勞病故給卹之規定相符擬請以該故統領邱開浩一員按少將階級照卹賞表第二號給與一次卹金六
百元班長劉煥然軍需官江培德二員從優按少校階級照卹賞表第二號各給與一次卹金三百五十元排
長龔占先三等醫官要星海排長梁壽衡三員從優按中尉階級照卹賞表第二號各給與一次卹金二百五
十元哨長孫憲雲一員從優按少尉階級照卹賞表第二號給與一次卹金二百元軍醫生景殿元一員從優
按少尉階級照卹賞表第三號給與一次卹金一百二十元以示體卹而資激勸所有核擬給卹緣由是否有
當理合恭摺具陳伏乞 皇帝陛下聖鑒訓示遵行謹 奏

政事堂奉

批令准如所擬分別給卹此令

政事
堂印

洪憲元年二月十一日

國務卿陸徵祥

陸軍部奏核覆前漢口兵站總監杜錫鈞咨報所屬載運局支用各款擬請准予支銷並補發不敷款項摺

奏爲前漢口兵站總監所屬載運局臨時用款審核完竣擬請准予支銷並補發不敷款項俾清積欠恭摺仰祈 聖鑒事竊准軍需局函開准軍事處函交前漢口兵站總監杜錫鈞咨送兵站及所屬載運局糧秣局用款清冊請核銷一案業經據文呈奉 批交陸軍部會同財政部切實查核辦理除函財政部查照外相應將原案函送查核辦理等因又准財政部函稱查此案造報各項事關軍事費用是否准予照銷應由貴部會同軍事處核辦俟核畢後知照本部備案等因到部查全案頭緒紛繁其總監處各分站及糧秣局現正核辦惟載運局一部分業經將所有疑義迭次行查已據逐一聲復並分別查准段上將軍曹司令咨詳各種實在情形到部先後送經統率辦事處復核在案茲謹將所查該局用款情形縷晰陳之該局原冊所報需用款項大都不外乎總分局員役薪工伙食項下支薪水銀洋二萬零一百三十八元五角支伙食銀洋五千八百二十七元二角五分共支銀洋二萬五千九百六十七元七角五分總分各局各項雜支項下共支錢三萬二千七百二十六串一百二十九文銀洋五千二百零四元八角六分五釐洋例銀四千三百零七兩三錢三分紙洋六十元租僱長短期輪船租金薪工雜用並添僱領港等款項下共支錢四萬八千六百九十四串三百九十七文銀洋三萬七千零六十七元二角三分紙洋八千八百七十三元五角八分四釐洋例銀一萬三千二百五十五兩租借長期民駁公渡紅船租價口食項下共支錢十二萬零八百五十二兩二十三文洋例銀一千七百八十兩總分各局臨時僱用民駁船支付船價項下共支錢六千八百八十五串五百九十五文長短期輪船煤餉及添購並各輪來煤細數項下共支洋例銀七萬四千六百五十一兩八錢八分銀洋六千零五十五元五角五分錢一百四十二串另租備用招商局輪船租金用煤及添僱領港並補助津貼項下共支洋例銀六萬二千二百五十兩銀洋四千五百九十二元六角以上各項共支銀洋七萬八千八百八十七元九

安徽軍務倪嗣冲咨陳安武軍第二路三等醫官嬰星海於民國二年投効本軍醫院供差厥後隨隊南下鳳
壽各役兵士受傷夥多幫同療治頗稱得力上年復派隨第二路駐防皖北又值剿辦土匪日夜勤勞以致積
勞染病於四年十一月在防身故陸軍第四師師長楊善德詳稱步十五團第三營排長陸軍步兵中尉梁壽
衡前於南京戰役後隨隊駐防淞滬夙夜從公勤勞卓著因積勞染患濕滯於民國四年十一月在防身故定
武上將軍長江巡閱使張勳咨稱定武軍第七路第四十營哨長孫憲雲歷在壽州等處堵截白狼後又調赴
海州剿辦土匪分駐沐陽高溝辦理防務尤屬不辭勞苦以致感受濕寒醫藥罔效於民國四年十二月在防
身故總司令部衛隊管帶曹樹桐詳稱衛隊軍醫生景殿元在營服役深資得力因染患癆症於本年一月在
營身故先後造送表結證書請予照章給卹各等因前來臣部詳加覆核與陸軍平時卹賞暫行簡章第四條
積勞病故給卹之規定相符擬請以該故統領邱開浩一員按少將階級照卹賞表第二號給與一次卹金六
百元班長劉煥然軍需官江培德二員從優按少校階級照卹賞表第二號各給與一次卹金三百五十元排
長龔占先三等醫官嬰星海排長梁壽衡三員從優按中尉階級照卹賞表第二號各給與一次卹金二百五
十元哨長孫憲雲一員從優按少尉階級照卹賞表第二號給與一次卹金二百元軍醫生景殿元一員從優
按少尉階級照卹賞表第三號給與一次卹金一百二十元以示體卹而資激勸所有核擬給卹緣由是否有
當理合恭摺具陳伏乞 皇帝陛下聖鑒訓示遵行謹 奏

政事堂奉

批令准如所擬分別給卹此令

政事堂印

洪憲元年二月十一日

國務卿陸徵祥

陸軍部奏核覆前漢口兵站總監杜錫鈞咨報所屬載運局支用各款擬請准予支銷並補發不敷款項摺

奏爲前漢口兵站總監所屬載運局臨時用款審核完竣擬請准予支銷並補發不敷款項俾清積欠恭摺仰祈 聖鑒事竊准軍需局函開准軍事處函交前漢口兵站總監杜錫鈞咨送兵站及所屬載運局糧秣局用款清冊請核銷一案業經據文呈奉 批交陸軍部會同財政部切實查核辦理除函財政部查照外相應將原案函送查核辦理等因又准財政部函稱查此案造報各項事關軍事費用是否准予照銷應由貴部會同軍事處核辦俟核畢後知照本部備案等因到部查全案頭緒紛繁其總監處各分站及糧秣局現正核辦惟載運局一部分業經將所有疑義迭次行查已據逐一聲復並分別查准段上將軍曹司令咨詳各種實在情形到部先後送經統率辦事處復核在案茲謹將所查該局用款情形縷晰陳之該局原冊所報需用款項大都不外乎總分局員役薪工伙食項下支薪水銀洋二萬零一百三十八元五角支伙食銀洋五千八百二十九元二角五分共支銀洋二萬五千九百六十七元七角五分總分各局各項雜支項下共支錢三萬二千七百二十六串一百二十九文銀洋五千二百零四元八角六分五釐洋例銀四千三百零七兩三錢三分紙洋六十元租僱長短期輪船租金薪工雜用並添僱領港等款項下共支錢四萬八千六百九十四串三百九十七文銀洋三萬七千零六十七元二角三分紙洋八千八百七十三元五角八分四釐洋例銀一萬三千二百五十五兩租借長期民駁公渡紅船租價口食項下共支錢十二萬零八百五十五串二百二十三文洋例銀一千七百八十兩總分各局臨時僱用民駁船支付船價項下共支錢六千八百八十五串五百九十五文長短期輪船煤餉及添購並各輪來煤細數項下共支洋例銀七萬四千六百五十一兩八錢八分銀洋六千零五十五元五角五分錢一百四十二串另租備用招商局輪船租金用煤及添僱領港並補助津貼項下共支洋例銀六萬二千二百五十兩銀洋四千五百九十二元六角以上各項共支銀洋七萬八千八百八十七元九

角九分五釐錢二十萬零九千二百六十三串三百四十四文一三合銀洋十六萬零九百七十一元八角零三釐洋例銀一十五萬六千二百四十四兩二錢一分七二合銀洋二十一萬七千零零五元八角四分七釐紙洋八千九百三十三元五角八分四釐八五折合銀洋七千五百九十三元五角四分六釐總共支銀洋四十六萬四千四百五十九元一角九分一釐除收銀洋二十五萬四千八百六十五元三角八分四釐及收回煤價銀洋一百三十五元二角五分五釐不敷銀洋二十萬零九千四百五十八元五角五分二釐經臣部詳加查核伙食一項應減銀洋六十元零九角另租用招商局輪船租金津貼一項據招商局另造清冊糾正應減去銀洋一千四百十元洋例銀一萬二千一百五十兩七二合銀洋一萬六千八百七十五元三共減銀洋一萬八千三百四十五元九角餘均冊據相符即間有單據不全亦據該局聲明當時係因軍情緊迫未遑顧及手續事後萬難補取等語尙屬可原總計應支銀洋四十四萬六千一百三十三元二角九分一釐除收過銀洋二十五萬四千八百六十五元三角八分四釐煤價銀洋一百三十五元二角五分五釐外實不敷銀洋十九萬一千一百二十二元六角五分二釐迭據該局長趙承康一再稟稱責逋環集窮於應付請速賜核銷撥款歸欠等情自應提前辦理擬請將實用款項俯准支銷其不敷之數並 飭下軍需局照數撥發以示體恤除總監處及糧秣局應另案核辦外所有前漢口兵站總監所屬載運局臨時用款審核完竣擬准支銷並撥發款項俾清積欠緣由是否有當理合恭摺具呈伏乞 皇帝陛下聖鑒訓示施行謹 奏

政事堂奉

批令准予支銷其不敷之款著財政部分批發給此令

政事
堂印

洪憲元年二月十一日

國務卿陸徵祥

司法部奏擬增訂易答條例第四條請訓示摺(附條文)

奏為謹擬增訂易答條例第四條恭摺仰祈 聖鑒事竊查易答條例本以扑作教之旨為疏通監獄之謀奉行年餘尙收因時制宜之效惟切膚之刑施之宜慎自非斟酌情形不令輕易改易乃犯罪者適於易答與否其情形往往非一時所能知悉易答條例第四條規定於宣告本刑或易監禁刑時並時宣告實行上頗多窒礙茲擬增訂但書如有特別情形准其依檢察官之聲請得以隨時補充裁判藉留斟酌之餘地而副明慎用刑之至意如蒙 核准並擬於現經判決確定而尙在執行中者如合於該條例第一條情形亦得酌量援用計其殘餘刑期改易答刑以收疏通監獄之實效所有謹擬增訂易答條例第四條緣由是否有當理合繕具條文於後伏乞 皇帝陛下聖鑒訓示施行謹 奏

政事堂奉

批令准如所擬修正即由該部通行遵照此令

政事堂印

洪憲元年二月十一日

國務卿陸徵祥

聖鑒

謹將擬改易答條例第四條第一項條文繕呈 聖鑒
第四條 易答刑者於宣告本刑時並宣告之其罰金易監禁再易答刑者於依刑律第四十五條第一項處斷時並宣告之但有特別情形時得依檢察官之聲請隨時補充裁判宣告易答

農商部奏遵核山西巡按使奏請援案設立鑛務總局擬由本部派委譚啟瑞充任總辦以專責成摺
奏為遵核山西巡按使奏請援案設立鑛務總局擬由臣部派員總辦以專責成而歸畫一恭摺具覆仰祈 聖鑒事竊准政事堂鈔交山西巡按使金永奏晉鑛重要請援案設局並派員坐辦一摺奉 批令交農

商部核議具復此令等因奉此旋復准山西巡按使咨同前因到部查晉省鑛產豐富中外豔稱自應設法提倡以開富源既經該省財政廳長迭次派員調查確有把握又以事務繁曠不克兼理擬籌款另設總局派員籌辦洵屬切要之圖惟所請援照湖南成案由巡按使兼任督辦一節情形稍有不同查湖南鑛業發達已久而官鑛居多如平江金鑛水口鉛鑛等處尤為特盛該省曾經設立官鑛經理處歷有年所近雖由巡按使兼任督辦不過就已有之成規藉資整理且係專指官鑛而言其他鑛務仍由財政廳兼理晉省既未辦有官鑛此次該廳長所陳各節純係為發展鑛業起見臣部綜筭鑛政既負有監督指導之責成即應有挈領提綱之規畫擬即設立山西鑛務總局由臣部奏請派員總辦其事仍令隨時會同財政廳辦理以專責成而歸畫一至譚啟瑞於鑛學講求有素前在湘省辦理鑛務經驗頗深以之充任該局總辦當能勝任如蒙 俞允擬即派委譚啟瑞充任山西鑛務局總辦由臣部隨時督策進行以仰副 陛下發達鑛業之盛意所有遵核山西巡按使奏請援案設立鑛務總局擬由臣部派員總辦緣由是否有當理合恭摺具覆伏乞 皇帝陛下聖鑒訓示遵行謹 奏

政事堂奉

批令准如所議辦理即由該部轉行山西巡按使遵照此令

政事堂印

洪憲元年二月十一日

國務卿陸徵祥

福建巡按使許世英奏保堪勝警務處處長人員擬請准予存記摺

奏為密保堪勝警務處處長人員擬請准予存記摺單恭摺具陳仰祈

務處處長資格並豫保辦法一案呈奉

批令准如所擬辦理由該部通行遵照等因當經內務部咨行到

聖鑒事竊查內務部遵擬各省警

閩查豫保辦法第二條各省長官酌核地方情形有請設是項員缺之必要時並得按照資格遴選一二員開具履歷成績考語呈請豫保存記等語伏查警察之設所以保衛人民之治安維持地方之秩序責任綦重關係匪輕非設有統一機關不能收整齊劃一之效閩省財用現雖極形支絀而事關要政亦不敢視為緩圖擬俟財用稍裕即行奏請設立願警務處之設既為切要之圖而堪任處長人員尤必豫加選擇茲查有福建省會警察廳廳長吳文炳係天津巡警學堂高等科畢業富有警察學識歷任京外警職積資八年以上幹練有為勤能願著到閩任職以來維持地方整頓警務心精力果勞怨不辭福建水上警察廳廳長蔣棻歷任警政民政司法各職積資十年以上經驗最深才猷亦茂現任福建水上警察廳長復能盡心規畫力策進行以上二員核與部定豫保處長資格相符合無仰懇 聖恩俯准將該二員以警務處處長交政事堂存記出自逾格鴻施所有豫保警務處處長緣由理合繕具清單恭摺密陳伏乞 皇上聖鑒訓示謹 奏

政事堂奉

批令吳文炳蔣棻均著交政事堂存記單存此令

政事堂印

洪憲元年二月十一日

國務卿陸徵祥

福建巡按使許世英奏請將公署薦委任待遇各職員程家穎等分別叙官摺

奏為請將福建巡按使公署各職員分別叙官繕具清單恭摺具陳仰祈 聖鑒事查文官官秩令第六條凡授官者係薦任職由所屬長官呈請 命令行之係委任職由所屬長官彙案呈請 命令行之又准銓叙局咨京外薦委各職叙官擬請交局覈覆詳由國務卿擬准照辦又各省薦委任各職叙官擬酌量變通由該管長官飭取各該員證明文件先行詳覈再行開具履歷咨送審查堂擬飭准照辦各等語茲將福建巡

按使公署各據屬及附設公署之省警備隊總司令部供職各員飭取證明文件詳加考核均屬相符凡職務較重資格較優各員按照文官任職表作為薦任待遇餘則一律作為委任待遇其文官任職表內未列之省視學一職應查照河南巡按使銓叙局覆覆亦與各據屬一律辦理巨覆核各該據屬對於職務均能矢勤矢慎毫無貽誤洵屬無忝厥職合無仰懇 恩施飭交政事堂銓叙局一併查照單開分別核叙以示鼓勵出自 逾格鴻慈其實業科科長兼教育科科長汪洋總務科科員廖熙元省警備隊總司令部參謀官何崇傑三員經臣於民國四年三月以該員等任事勤勞呈請分交各部以僉事存記經部議覆以據稱該員等任事勤勞應俟該省叙官時由政事堂銓叙局查照文官秩令第四條進官加秩之規定分別辦理呈奉

批令准如所擬辦理交政事堂飭銓叙局查照在案應請從優叙授以昭勞動除將各該員履歷咨送銓叙局查核外所有福建巡按使公署薦委任待遇各員擬請分別叙官緣由理合繕具清單恭摺具陳伏乞 皇上聖鑒訓示再福建各屬應行叙官人員尙多俟取齊履歷另行分別辦理合併聲明謹 奏

政事堂奉

批令交政事堂飭銓叙局核辦單並發此令

政事堂印

洪憲元年二月十一日

國務卿陸徵祥

福建巡按使許世英奏請將存記道尹段母息分發福建任用摺

奏為佐治需才調員備用恭摺具陳仰祈 聖鑒事竊查政事堂存記道尹現任司法部僉事段母息前清以拔貢考取知縣在河南山東蘇浙等省歷充文案河工賑捐釐稅電政等差卓著成績保升知府薦至道員嗣隨出使各國考查政治大臣分赴英法比等國實地考察亦多心得民國元年薦任司法部僉事民國三年

八月間經臣於保薦人才案內奉 令以道尹交政事堂存記該員年壯才明洞達時務以之調閱備用當能得力合無仰懇我 皇上俯念海疆重要佐治需才將政事堂存記道尹段母恩分發福建任用緣由理合恭摺具陳伏乞 皇上聖鑒訓示施行謹 奏

政事堂奉

批令段母恩已有令發往該省酌量任用矣此令

政事堂印

洪憲元年二月十一日

國務卿陸徵祥

福建巡按使許世英奏閩省現充要職具有簡任資格人員許兆桂等擬請特予叙官摺

奏爲閩省現充要職具有簡任資格人員擬請特予叙官以資獎勵恭摺具陳仰祈 聖鑒事竊查文官官秩令第六條凡授官進官加秩係特任簡任職由 命令行之係薦任委任職由所屬長官呈請 命令行之各等語茲查有存記道尹分發福建任用派充籌安會會員大典籌備處委員巡按使公署諮議許兆桂存記簡任法官前奉天高等檢察廳檢察長現充福建巡按使公署諮議袁青選政事堂存記分發福建任用前署汀漳道道尹現充籌辦福建勸業銀行委員長曹本章分發財政部任用裁缺福建財政司司長現充福建建業煙局總辦陳之麟政事堂存記分發福建任用前福建西路觀察使現充福建銀行副理葉官礪局督辦吳夔政事堂存記分發福建任用前署興泉永兵備道現充福建菸酒公賣局局長章景楓以上六員均係奉 命存記現在閩省充任特別職務積資甚深勞績亦著具有簡任資格若不特爲聲請未免向隅伏查四川巡按使陳宦呈請將分發四川任用人員阮毓崧特予叙官業奉 恩允臣核許兆桂等各員事同一律

合無仰懇 聖恩俯准將各該員飭交政事堂銓叙局特予叙授以資鼓勵之處出自 逾格鴻慈非臣所敢擅便除將詳細履歷咨送政事堂銓叙局外所有閩省現充要職具有簡任資格人員擬請特予叙官各緣由是否有當理合恭摺具陳伏乞 皇上聖鑒訓示謹 奏

政事堂奉

批令許兆桂等應准核叙文官交政事堂銓叙局查照辦理此令

政事堂印

洪憲元年二月十一日

國務卿陸徵祥

署四川巡按使陳宦奏懇將核准免試知事李仲通等免送考詢并予分發摺

奏為懇將核准免試知事免送考詢並予分發以資應用恭摺仰祈 聖鑒事竊民國四年十月准內務部

電開未經考詢各員應於明年三月一日開始報到聽候示期考詢等語伏查川省距京較遠需才孔亟前經

臣先後奏請將核准免試知事莊蔭椿臧勳蘇何德平等免送考詢并予分發荷蒙 兪允在案茲復查有

第四屆核准免試知事李仲通沈和敬劉澤劉德鈞謝松年等五員均屬籍隸外省資格經驗核與莊蔭椿等

奏

相同合無仰懇 天恩准將李仲通等五員一併免送考詢並飭部照案分發川省以廣儲才而資應用所有續請將核准免試知事免送考詢並予分發各緣由是否有當理合恭摺具陳伏乞 皇上聖鑒訓示謹

政事堂印

政事堂奉

批令李仲通等應准免其考詢先行分發任用交內務部查照辦理此令

洪憲元年二月十一日

國務卿陸徵祥

駐美利堅合衆國兼駐古巴國特命全權公使顧維鈞奏接任日期并敬陳謝悃摺

奏爲恭報抵美接任日期並敬陳謝悃仰祈 聖鑒事竊臣於本年十月二十八日在英京倫敦接准外交

部電開二十五日奉 令任命顧維鈞爲駐美利堅合衆國兼駐古巴國特命全權公使等因敬聆之下感

悚莫名適即於十一月二十日由英來美十一月二十八日抵紐約十二月一日抵美京華盛頓二日接印視

事伏念臣才非專對愧無壇坫之長 寵荷特殊屢附轡軒之列膺茲重任益以增慚惕冰淵於履臨時虞

隕越仰 天地之高厚未報涓埃敢不竭盡愚誠勉求無曠厥職恪慎將事尙期彌篤邦交除先後電外交

部轉陳並咨明外交部外所有恭報抵美接任日期並敬陳謝悃緣由理合恭摺具陳伏乞 聖鑒謹 奏

政事堂奉

批令悉此令

政事堂印

洪憲元年二月十一日

國務卿陸徵祥

司法部奏轉報山東等省高等檢察廳檢察長梅光羲等就職日期摺

奏爲轉報山東山西江蘇高等檢察廳檢察長甘肅高等審判廳長就職日期恭摺仰祈 聖鑒事上年十二月二十日政事堂奉 策令

任命梅光羲爲山東高等檢察廳檢察長鹿學良爲山西高等檢察廳檢察長王樹榮爲江蘇高等檢察廳檢察長黃芝瑞爲甘肅高等審判廳

長此令等因奉此當經臣部轉飭各該員遵照在案茲據先後詳稱光羲遵於洪憲元年一月二十二日就職任事學良遵於元年一月三十日

就職任事樹榮遵於元年二月一日就職任事芝瑞遵於元年一月五日就職任事並各陳感激下忱詳懇轉奏等情前來理合據情轉報恭摺

具陳伏乞 皇帝陛下聖鑒謹 奏 政事堂奉

政府公報 奏摺

二月十七日第四十二號

批令悉此令

政事
堂印

洪憲元年二月十一日

國務卿陸徵祥

廣東巡按使張鳴岐奏報調署高雷道道尹楊晉任事日期摺

奏為恭報調署高雷道道尹任事日期仰祈 聖鑒事竊查高雷道道尹王典章請假就醫所遺員缺經前兼代巡按使臣龍觀光電請以

簡任粵海道道尹尙未赴任之楊晉調署奉 令照准當經轉飭遵照在案茲據該署道尹楊晉詳報遵於上年十二月十八日接印視事

並造具履歷清冊詳請分別奏咨前來除將履歷分咨內務部銓敘局查照外所有高雷道道尹任事日期理合恭摺奏報伏乞 皇上聖鑒

謹 奏

政事堂奉

批令悉交內務部查照並由政事堂飭銓敘局查照此令

政事
堂印

洪憲元年二月十一日

國務卿陸徵祥

廣東巡按使張鳴岐奏報發交任用人員朱綸業經到省摺

奏為報明發交任用人員朱綸業經到省恭摺仰祈 聖鑒事竊查上年十二月二日奉 上令政事堂存記之朱綸著發往廣東由該巡

按使酌量任用此令等因奉此茲據該員朱綸詳報到省並繳銓敘局咨文前來除將該員註冊酌量任用並咨內務部銓敘局查照外所有發

交任用人員朱綸一員業經到省緣由理合恭摺具陳伏乞 皇上聖鑒 奏

政事堂奉

批令悉交政事堂飭銓敘局查照此令

政事
堂印

洪憲元年二月十一日

國務卿陸徵祥

樂飭

外交部飭第十二號
駐澳大利亞總領事館主事鄭訓寅即開缺回國此飭

外交總長陸徵祥

右飭鄭訓寅准此

部印

洪憲元年二月十一日

交通部飭第三六五號

為飭知事本部事務殷繁官制所定額缺有限是以特設辦事員一項藉資助理現計所雇人數已足費用並為確定預算起見應即酌示限制以免溢出範圍茲就各廳司現在情形分配辦事員額缺如附表其核算書記亦依附表所規定各廳司應即遵照此次定額不得率行詳請增加此飭

交通總長梁敦彥

右飭本部各廳准此

部印

洪憲元年二月十日

交通部飭第三七六號

為飭知事茲派吉長鐵路管理局局長虞愚兼充四鄭鐵路局長此飭

交通總長梁敦彥

右飭虞愚准此

部印

洪憲元年二月十一日

交通部飭第三七七號

爲飭知事據寧湘鐵路工程局詳請委派科長應即委任方煥經爲該局總務科科長仰即遵照此飭

交通總長梁敦彥

右飭 寧湘鐵路工程局 准此
方煥經

部印

洪憲元年二月十二日

交通部飭

爲飭知事查新聞電報章程條文業經本部修正於洪憲元年一月一日實行在案茲附發修正新聞電報章程仰即一體遵照辦理此飭

交通總長梁敦彥

右飭各 電政管理局 准此
電報局

部印

洪憲元年 月 日

新聞電報章程

第一條 電報局由電綫傳遞刊登報紙之新聞消息准作爲新聞電報減價納費

第二條 凡新聞報館期刊報館或新聞經理處之訪員欲發寄新聞電報須具願書（此項願書可向交通部或就近電局領取）並開列左記各項稟請交通部或請由就近之電報局轉詳交通部核辦

甲 收報之新聞報館期刊報館或新聞經理處名稱暨該報館發行地點新聞經理處所在地方之名稱

乙 收報者住址電碼

丙 投送之局名

丁 稟請人及訪員姓名住址

前項稟請經交通部核准後發給執照每張應納照費銀二元並印花稅銀一元五角

第三條 訪員所發之新聞電報交與電報局時須將執照繳驗

第四條 新聞電報若用署名者須用執照上註明之訪員姓名

第五條 國內往來新聞電報祇准用華文或英文明語其與外國來往者可用各國電報所准用之文字明語

若執照上載有收報者名稱住址之簡短字樣或掛號之字則其電信中得適用之

第六條 國內往來新聞電報華文明語每字收銀元三分英文明語每字收銀元六分國外往來新聞電報照國外新聞電報價目辦理

第七條 新聞電報內不得載含有私事性質之文句並不得夾雜藉可收取銀錢之廣告或消息

第八條 新聞電報內所載銀錢兌換價目及市價無論有無說明字樣一律照新聞減價收費

發電局對於電文所載銀錢兌換價目連綴之數目字如有可疑之處應查詢是否確實由發電人據實證明

第九條 新聞電報費如由收電者繳付應依左列各項辦理

甲 國內電報應預付存款於投送之電報局此項存款須足敷半月報費之數由該局核定之按半月結算清楚後應續繳存款如有短欠其新聞電報即行停送

乙 發往各國之電報須先由稟請人與各該國電報局商妥後方可核辦至各國發來電報繳付存款辦法與前項同

第十條 新聞報館期刊報館及新聞經理處接收減價新聞電報或須經投送之電報局核准者應俟該局

核准後方能照辦如投送之電局認為必要時得向收電人索取證據如新聞報館期刊報館或新聞經理處總理或主人聲明遵守章程之筆據是

第十一條 減價新聞電報以發寄執照內註明之新聞報館期刊報館或新聞經理處為限若寄與他人或他報館他經理處者均不能以新聞電報論

但新聞電報可分寄同一城邑之各新聞報館期刊報館及新聞經理處除原報照章收費外其餘鈔送之報照鈔送通常電報之鈔費一律收取

第十二條 凡減價之新聞電報須俟已收之官報商報及全費新聞電報發畢後拍發至投送之次序與通常電報相等

第十三條 凡新聞電報不按第五第七第八各條內所規定辦理者應照通常電價收費又新聞電報不載入新聞報紙而別作他用者亦須照通常電價收費其例如左

甲 電報經報館或新聞經理處接收後不登入報紙者(如不能說明理由)或報館於未登報之前先傳佈各處如總會客寓兌換所等處是

乙 凡報館接到之電報未登該館之報紙以前先售與他報館刊登者

丙 凡寄與新聞經理處之電報不登入新聞紙者(如不能說明理由)或於未登該報之前先傳與他人者

如查有以上三節情事其應找之報費向收電人收取

第十四條 各訪員發遞新聞電報倘有報告失實或採及謠傳有妨大局者一經發電局或轉電局收電局查出即行扣留不為遞送

第十五條 經交通部認可准發新聞電報之新聞報館新聞經理處及其訪員如有違背本章程及其他不合情事一經查出得由交通部酌奪情形將所發執照追銷

第十六條 本章程未盡事宜隨時由交通部修正之

第十七條

本章程自洪憲元年一月一日施行

文官高等懲戒委員會議決書四年第一百七十一號

被付懲戒人 徐振清安徽郎溪縣知事

右被付懲戒人因疏脫監犯一案經安徽巡按使呈交懲戒本會審查議決如左

主文

降等公罪

事實

民國四年十月十六日安徽巡按使李兆珍呈稱據郎溪縣知事徐振清詳稱民國四年九月六日知事因赴鄉驗契公出期內據管獄員羅廷弼報告是日午後六時監犯崔光治等毀壞柵門拒傷看守反獄逃逸等情當經馳回查點監犯崔光治李德松石隆發何占洪李成玉李壽元徐盈科陶三姚長盛吳廣富石隆有王志茂王遇安孔萬義殷毛頭等十五名均已逃逸隨即選派警隊懸賞緝一面勸明監內損壞處所飭匠修整完固提驗看守周宗祥鄭發胡貴郝春等頂心等處被拒受傷屬實註單飭醫詰無鬆刑賄縱情弊旋據警備隊捕獲崔光治何占洪李成玉孔萬義殷毛頭五名格殺李壽元一名詣驗李壽元確已格殺身死將該屍身棺殮未獲各犯應請通緝又續據詳報拏獲逸犯王志茂一名等語

理由

此案郎溪縣知事徐振清係有獄之官應如何慎重獄務乃竟疏脫監犯至十五名之多雖據稱事前公出且先後拏獲六名格殺一名然在逃者尚有八名殊難辭疏忽之咎核與知事懲戒條例第八條第四款相符認為應受降等處分特為議決如右
中華民國四年十一月二十二日

委員長錢能訓圖

二月十七日第四十二號

文官高等懲戒委員會議決書四年第一百七十二號

被付懲戒人 王寶生山東曹縣知事

嚴 瀚山東濰縣知事

章壽彭山東平度縣知事

右被付懲戒人因舉劾屬吏案經山東巡按使呈請交付懲戒本會審查議決如左

主文

王寶生褫職並奪其官非滿四年不得開復私罪

嚴 瀚褫職並奪其官非滿八年不得開復私罪

章壽彭褫職並奪其官非滿八年不得開復私罪

事實

民國四年十月二十七日准政事堂函開

大總統發下山東巡按使蔡儒楷呈舉劾屬吏請予分別獎懲

文一件奉 大總統申令山東巡按使蔡儒楷呈舉劾屬吏請予分別獎懲等因奉此到案查王寶生嚴瀚章壽彭

委員汪鳳瀛缺席

委員汪燦芝

委員余榮昌

委員孫培差

委員余紹宋

委員達壽

委員盧弼

委員賀愈

索幾釀巨變荷澤縣知事嚴瀚才具竭蹶措置乖方平度縣知事章壽彰縱容丁役魚肉鄉民均著付文官高等懲戒委員會懲戒交內務部查照并交政事堂飭銓叙局查照此令等因鈔錄原呈附送到會本會查核原呈摘錄事實如左

一王寶生 縱丁需索幾釀巨變因催辦印花驗契率闖境莊長入城多至三千餘人又以煙禁森嚴飭具種吸賣運四項禁煙甘結門丁復從而把持之預擬每結一張索費大錢三百文各莊長之先到者既求見不准後到者又紛至沓來一時衆怨沸騰遂相約入署要挾加以游民鬻集人數愈多該員因見情勢洶洶潛避出署於是衆皆大譁肆行蹂躪且有損失財物情事旋經兵警馳往彈壓始各解散似此激成事變實屬咎無可辭

一嚴 瀚 才具竭蹶措置乖方查印花條例并無地契黏用之規定即驗契原案亦無驗過再驗之明文該員不諳定章竟將承辦印花勸令民間黏貼地契辦理已屬錯誤又復發給差地輾轉售賣以致抬價病民且將前任已驗之契調署另驗爲廣銷印花之計於是書吏地保從中索費弊竇叢生即其平日居官亦多不洽輿情有忝厥職

一章壽彰 縱容丁役魚肉鄉民平度前辦中立民困已深該員對於應辦事宜多不稱職其尤甚者到任之後即錄取寫狀生數十人一時訟棍繁興肆爲民害門丁復爭賣差票縣署差役多至六百餘人差票悉由賄買而來自非加倍取償於民不可遂致勒索敲詐無所不爲該縣花會極多警衛隊又往往拏賭賣放該員概無查察任意縱容實非尋常昏曠可比

理由

查山東曹縣知事王寶生縱容丁役詐贓有據且幾釀成巨變核與知事懲戒條例第六條第十二款相符應受褫職並奪官處分非滿四年不得開復荷澤縣知事嚴瀚原呈雖稱其才具竭蹶措置乖方而核其實實係違法勒貼印花并縱容書吏地保詐贓與知事懲戒條例第六條第四款第十二款相符平度縣知事章壽

彭維容丁役魚肉鄉民亦核與知事懲戒條例第六條第十二款相符且情節較重均應受褫職并奪官處分非滿八年不得開復特為議決如右
中華民國四年十一月二十二日

- 委員長錢能訓
- 委員汪鳳瀛 缺席
- 委員汪熾芝
- 委員余榮昌
- 委員孫培差
- 委員余紹宋
- 委員達壽
- 委員盧弼
- 委員賀愈

文官高等懲戒委員會議決書四年第一百七十三號

被付懲戒人 李文瑞前貴州紫雲縣知事

右被付懲戒人因違法失入濫押無辜一案經署貴州巡按使呈交懲戒本會審查議決如左

主文

褫職並奪其官非滿八年不得開復私罪

事實

民國四年十月二十九日准政事堂函交奉 大總統發下署貴州巡按使龍建章呈前紫雲縣知事李文瑞違法失入濫押無辜請交付懲戒文一件奉 批令該知事李文瑞辦理要案違法失入濫押無辜實非

尋常疏誤可比著付文官高等懲戒委員會依法懲戒並交內務司法兩部查照此批等因奉此查原呈內稱據貴州清理積案處轉據清理積案委員劉壩及紫雲縣知事彭汝斐詳稱紫雲縣屬冗力地方匪首王海山與廣順縣屬之張狗四素有仇恨反正後張狗四將王海山殺斃其父王老毛即將媳招贅匪首陳玉山即陳王么以圖報復陳玉山因聚集黨羽到處搶劫抄擄廣順縣屬張蕭氏家報由該縣前知事派兵緝拏不獲復被拒斃官兵二名該縣前知事旋即咨請該知事會同管帶蕭朝燦前往協緝維特冗力居民逃亡殆盡陳玉山亦竄匿不知去向該管帶練軍遂將附近居民王虎臣耕牛牽去向索不還而練軍架詞箠令蕭管帶將王虎臣王小冬王小腊王小二楊小四等五人送縣究辦該知事不察虛實據爾押卡後遂置不理適有縣民姚文光以兵差燒殺等情上訴該知事即以匪首陳玉山拒捕撲城會營拏辦具報捏稱王虎臣在冗力拒斃官兵王小冬王小腊王小二前被王海山脅迫去過張蕭氏家楊小四寄頓陳匪衣服此外任老有吳老送韋子雲盧玉清等四人亦不知所犯何案拏自何時並牽拉另案于明先何丙臣二人概誣係陳匪黨羽分別擬照軍法永遠監禁通詳請示案懸三年任老有盧玉清韋子雲吳老送等均已押斃王虎臣等五人經該省清理積案處飭派印委查明保釋何丙臣于明先另案究結該知事辦理王虎臣一案於練軍騷擾妄拏良民送縣不加查察又復憑空結撰捏報隨陣拏獲各情以爲邀功地步致令任老有等無辜瘐斃王虎臣等淹禁多年其故入人罪枉法昧良實爲法所難容又何炳成韓錫九等案或則無辜被押藉案羅織或則嚴刑逼供延不審結種種違法妄爲非尋常率忽可比等語

理由

此案前紫雲縣知事李文瑞冤抑平民輒以拒捕窩匪等罪捏詞朦詳日久瘐斃多命此外辦理各案諸多違法核與知事懲戒條例第六條第三款相符認爲應受褫職並奪官處分非滿八年不得開復之處分並事涉刑事應交法庭訊辦特爲議決如右

中華民國四年十一月二十二日

委員長錢能訓

委員汪鳳瀾 缺席

委員汪燦芝

委員余琰昌

委員孫培差

委員余紹宋

委員達壽

委員盧錫

委員賀愈

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是自國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特綴舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統備安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隍机賢智者日夕憂疑龍奮者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜指中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生贛寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以為將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之為期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以為將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論為大總統者如何賢明不過多方設法以維持現狀已爾欲求立憲以謀國家之進步南轅北轍其道無由此就將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而易或數十年而易甚或數年而易其開創之君非不雄才大略規模宏遠無如數傳而後法度漸弛遺澤就湮國統遂絕六朝五代之際君位直如奕棋人民蕩析離居幾於不可終日論者每舉以為君主制病而不知此非君主制之病君主而不採用立憲制之病也世界各國政治均由人治時代晉而為法治時代而中國政治蓋猶有數千年來人存政舉之選思前此治亂相循邦基不固國是未定厥有由來現在欲求立憲既以君主為前提而實行君主制度尤必以立憲為要義查東西立憲國家有強固之政府以擔責成有穩健之議會以協贊政府上下相與之際各有一定之法令以為運行君主總攬大權實居於調燮之地位相推相盪以劑其平英主無所增中主無所損故國家元首雖等於神聖之尊嚴而其實嘗立於政治潮流之外有政府與人民接近之事而無君與民衝突之

事國有長君固係國家之福即有時嗣君以冲齡踐祚亦不至搖動邦基世界立憲國家其政治史蓋可取而覆按也我國若於決定君主立憲國體後使憲政得以實行是有數千年君主之利而無數千年君主之弊政治革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦遂人同此心心同此理以相與有成使我五千年聖聖相承之君主國體回復奮觀各強國盛行之立憲政治得所期望猗歟盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行政治之國家即可由斯起點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之素願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用關人探選宮女以及拜跪奔走繁文縟節等等又已 明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏觀賀

皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不致避惟中國至大國事至重予以一手一足爲力幾何所望大眾同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝為尊榮則國家必不保即大眾如視皇帝為尊榮則國家亦必危自今以後予與國民當共視為臥薪嘗膽之日惟願各以國家為重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主秕政之積弊四因國事艱難願萬衆同心協力即為實行立憲政治之精神此項鄭重宣言求之中西史乘均所罕覩凡我國民均應一心一德仰副 聖懷矧自改元洪憲以來首 頒注重師範教育及警察法規之令凡所以為增進國民智識維持國家公安計者用意至為深遠而整理財政實行預算制度并以 明令聲明辦事者多節一分糜費即為國家厚一分財源并即為吾民養一分物力等因節用愛人之訓充足表示憲政精神至於國家政務應興應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民罹水火想望治平不可必得良善者坐困閭閻狡黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告

洪憲元年一月十日

●經界局經界學校招考廣告

本校隸屬經界局因養成經界職員起見特招本科及特科學員各五十名授以高等測量學及經界必要知識特科投考資格中學校畢業會習過各省陸軍測量學及工業專門學校土木科二三年級課程具有測量及數學根柢者本科投考資格曾在中學校畢業者各學員考取入學所有在學中學費膳費住宿費實習費等均由校中供給特科學員每人更月給膏火十元以資津貼畢業後一律歸經界局任用考試地點北京經界局上海大同學院考試時期三月一日至三日有志投考者請付郵票十三分向以上兩處領取詳細章程及報考書可也報考二月二十五號截止

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時咨登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文官電爲準此外報紙揭載若於國民代表大會有關事件除係照登業經宣布之官文官電外其或得諸傳聞或出諸懸揣苟有與法定辦法不符之處在各該報紙即無故濬觀聽之心而事關國家根本大計似未便任其訛以傳訛致與代行立法院格外審慎之愜有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日篠電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自滇事發生後竟有假託本局名義或其他箇人名義捏造電報送登各報者閱之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尚未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文章義爲本局詬病者觀過知仁則本局執行法律之苦衷即可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於畢雨箕風之好除通電聲明假託本局名義暨簡人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

司法部通告

為通告事查司法官考試令暨關於司法官考試令第三條甄錄規則業於上年九月三十日奉 令公布十月一日刊登政府公報在案現在司法官甄錄委員本部業已依法組織成立定於本年四月間舉行甄錄試驗凡具有關於司法官考試令第三條甄錄規則第一條所列各款資格之一而願應司法官考試者務於本年三月十五日以前遵照甄錄規則第二條及第三條之規定赴部按照部定格式填具親筆履歷書及願書並將足資證明各項學識或經驗之書類文憑隨同送驗其在外省者亦應屆期親身赴部報名一俟甄錄委員會審查後認為可受試驗者再登公報通知屆期來部面試特此通知
洪憲元年一月十九日

中國銀行告白

查本行招考預備員練習生章程每年三九兩月考取新生兩次現因去年九月間考取新生額數較多尙未傳到者頗不乏人本屆特停止招考一次特此通告

劉國楨啓事

二月十四日遺失海軍部五十七號徽章聲明作廢

中國銀行廣告